

Tagebuech

Tagebuech

Text: Jacob Stickerberger
Musik: Georges Brassens

Am E7 Dm Dm
Gesch-ter e Hund wo mi bysst hüt d'Chatz wo dr Pa-pa-gei schlysst my
Am E7 Dm D
Frou laht mi sitze me macht drüber Witze de no dr Koleg wo mi bschysst S'trifft
Am D Dm E7 Dm F
8 S'trifft mir schyt'ret jede Versuech - s'wott eifach nüt glücke mues
E7 Am E7 F
13 im-mer alls schlü-cke und das wi-der steit i mym Buech Das gähnt mers dochzrügg wenn dirs heit'

1. Geschter e Hund wo mi bysst
hüt d'Chatz wo dr Pappgei schlysst
my Frou laht mi sitze
me macht drüber Witze
de no dr Koleg wo mi bschysst

S'trifft geng nume mi s'isch e Fluech
bi mir schyt'ret jede Versuech -
s'wott eifach nüt glücke
mues immer alls schlücke
und das schrybi uf i mym Buech
2. Als Tagebuech füeren i's na
drin chani exakt nacheschla
was i ha erifitte
a Tiefschleg und Tritte
wi eländ i's egetlech ha

Es Buech wo mir alles verzeiht
s'isch eis wo mi rundum versteit
geng wen i drin lise
es göng mer verschisse
de tueni mer wahnsinnig leid
3. Dir gseht was mir loufend missingt
het emel eis Gueten es zwingt
mi ds Bleistift ga z'spitze
für myni Notize
zum Leid wo mys Läbe dürdringt

Doch z'mal es het müesse so cho
wo isch jitz mys Buech säget wo?
das het allwäh eine
e ganze Gemeine
mir heimlech vom Nachttischli gno
4. Wär mahnet mi künftig no dra
und wo ächt wo luegeni na
was alls a Gebrärschte
und was für Molärschte
i zäntumen immer ha gha?

Bis jitz hani ds Schicksal eritreit
dür ds Leid als my einzigi Freud
die geit jitz zu Schande
mys Buech isch abhande
cho - gäht mers doch zrüggn wenn dirs heit